

BA. quid? *SY.* transeundumst nunc tibī ad Menedemum
et tua pompa

740 ēō transducendast. *BA.* quam rem agis, scelus? *SY.*
egon? argentum cudo
quod tibi dem. *BA.* dignam me putas quam inludas?
SY. non est temere.

BA. etiamne tecum hic res mihiſt? *SY.* minime: tuom 20
tibi reddo.

BA. eatur. *SY.* sequere hac. heus, Dromo. *DR.* quis
me volt? *SY.* Syru'. *DR.* quid est rē?
SY. ancillas omnis Bacchidis tra(ns)duce huc ad vos propere.

745 *DR.* quām ōb rem? *SY.* ne quaeras: ecferant quae secum
huc attulerunt.

sperabit sumptum sibi senex levatum esse harunc abitu:
nē ille haud scit hoc paullum lucri quantum ei damnum ad- 25
portet.

tu nescis id quod scis, Dromo, si sapies. *DR.* mutum dices.

CHREMES SYRVS

v

CH. Ita me dī amabunt ut nunc Menedemi vicem
750 miseret me tantum devenisse ad eum mali.
illancin mulierem alere cum illa familia!
etsi scio, hosce aliquot dies non sentiet,
ita magno desiderio fuit ēī filius; 5
verum ubi videbit tantos sibi sumptus domi
755 cotidianos fieri nec fieri modum,
optabit rursum ut abeat ab se filius.
Syrum optume eccum. *SY.* cesso hunc adoriri? *CH.*
Syre. *SY.* hem.